

TAWI Pê Pahhi Cati

ÿhÿ, pê Xamer pê Pahpãm jarkwa to ihcakôc catêjê nõ, ne cupê me to ihhimpej catê cahhur. Cwÿrjapê ri hõ kàhhôcpijakrut itajê japyr te **Mam Xamer Jõ Kàhhôc** (1 Xamer) ne **Hapu Na Xamer Jõ Kàhhôc** (2 Xamer). Pê pahhi Xawrô tyc jakàn pê ri Tawi pê Ixaher catêjê jõ pahhi. Ne pê mam cupê harã catêjê jõ pahhi, ne ita caxuw hanea ne cupê kÿj catêjê jõ pahhi. Nepê pahhi cunea jirôa pê Tawi mã Pahpãm jahkre pej, na pê ajco cumãihcakôc, ne cumã mençrer xà na ihhòc.

6

Pê Tawi hacpÿa ne Pahpãm jàmçjên xà to amji jaxà

2 Xamer 6.1-19

Pê rÿ pëa mã Piritew catêjê ma me hõ pjê wÿr pÿ pote Pahpãm jàmçjên xà ata pytà ne mame to mõi, pê curia ihcuhê. Cwÿrjapê pê Pahpãm Piritew catêjêkam incryc, ne ajco ameto kêanre. Ne jũ mã me to, pê ame amji pupun xà kêanre to ame amji pupu.

Cwÿrjapê ri Piritew catêjê te hacpÿa ne Pahpãm jàmçjên xàkujahêc, Ixaher catêjê jõ pjê wÿr. Mã hàmçjên xà ita Apinatapjÿrkwa ri hàhhuc. Jirô pê mã ri Tawi, ma ajpên Krÿpinkrên wÿrPahpãm jàmçjên xà ata to mõi prãm. Ne cute krãhtare impej to pit mã mir te trÿnta ne ma me to ihhimpej to mõi, hàmçjên xà ata wÿr.

Pê Pahpãm rỳ pêa mã hãmcyjên xà to ipa xà to ramã me cumã hahkre. Quê nee ihtỳj amehcupên nare, ne nee cawrô jô kàhà kam me to ipa nare. Ne me to ipa catêjê atajêa, quê ha me cumã pĩ jacjê, ne me hikre kam me to ipa.

Mã nee Tawi te ihhimpej xà ata kôt, hãmcyjên xà ata to mõi nare. Ne me to ipa xà ata kaj na hacpỹ ne me to mõi. Ne cute pryti jőkujti intuw nõ kam me hãm, ne ma me to mõi. Mã Apinatap kra pijakrutitajê mam pryti jô kujti to mehhimpej to me mõi. Mã hapu na Tawi me, mehkwy cunea me, me mõi, pryti jô kujti kôt. Ne Pahpãm kam mare mã amehakrya to ame hakry, ne cama ame hækôr xà atajê cakô, ne ame cre.

Mã pryti te amji tõi, mã Apinatap kra ata te hũhkra to Pahpãm jãmcyjên xà juwahi, ihpým cupate. Mã Pahpãm kam incryc pyrentu. Ampo na? Cute me hãmcyjên xà ita cupên xà hamreare, na ri apu kam incryc, mã ihtyc pyrentu.

Mã Tawi mã Pahpãm cupaa to hũpa, amcro atana, mã cute amji mã harkwa to:

— Jũ mã wa ha Pahpãm jãmcyjên xà ita to, ne krĩ mã to mõi? — hajỹr. Ne ma Opet jũrkwa wỳr to mõi, ne cute curia huwahi, mã hàhhuc ne ahna putwry incrê. Mã Pahpãm te Opet na mehkwy cunea to impej, hũrkwa kam hãmcyjên xà jàhhuc ata jahpan xà na.

Mã Tawi te ita par, ne hacpỹa ne cute amji jaxàr, ne ma hõ krĩ wỳrPahpãm jãmcyjên xà ata to me mõi. Ne ita caxuw nee pryti jô kujti kam meto mõi nare, ne quêt Pahpãm himpej xàa kôtme hikre kam me to mõi, ne amji mã me hũpahti to mõi. Ne cute me to mõi xà ita kamme pryti me,

carà cahàcti hòhti jàhtôa ne me to caxàr, cute me to Pahpãm cajpuaw prãmte.

Mã Tawi mã amji kïan kam Pahpãm kam mare mã hàkrun to mō. Ne hanea neame hàkôr xà cakô, ne krī mã me to cator. Ne cute Pahpãm to me amjikam hapac xà jūrkwā kam, me hàmcjên xà ata xām. Ne cute hipêr prytiñō curan, ne me to caxàr, ne Pahpãm mã me hōr. Ne cumã mehwý cunea cajrên, quê me to impeaj ne. Ne mehcajrên jirô pêmã ri cute ahpÿanre na me cumã kwÿr te pro me, pïxô pijakrut crà ata jōr. Mã ma ame cahkũm, mehũrkwa wÿr. Mã ma Tawi te hũrkwa wÿr amjijaxàr, cute mehkra cajrên prãmte.

Ne pê caku jàhtôa kam Tawi pê pahhi, ne cupê hō krãhtare to ihhimpejcatê impeaj. Ne ajco amji na mehwý to cuprôn tu, ne Pahpãm jarkwa kôt me ipu na krïxàre catêjê cuneame, me ajpu. Ne ihtÿj ajco catÿt kam Pahpãm kôt ipa, ne ihtÿj amji kôtmehwý cunea Pahpãm wÿr to apkjê.

11

*Pê Tawi ihkên to
2 Xamer 11.1-26; 12.1-19*

Pê Tawi pê pahhi na ramã caku jàhtôa, ne ramã hakràaj to hakràj, ne cumã ampo pej hàhtôa to hàhtô. Mã amcro nō na, ramã pyt pec kam, Tawi tepÿjê impejti nō pupun, ne ihtÿj to ihpahàm nō prãm. Ne ramã impjêa kam ri, ahnaa cute haprôr ne apu cume gōr, mã kaam ihkra.

Mã Tawi te amji mã huwahi prãmte, ma me ipijapu xà kêanre wÿrimpjên pê krãhtare ata

kujahêc, mār quê ahte ajpu ne ty. Ne cute impjên kujahêc, mǎ jǔm te ihtehcajpar nare kam ipijapu ne ihtyc. MǎTawi te amji wȳr hīxi na hǎhwȳr, cahê na hǎhhuc prǎmte. Mǎ ahnaahtǔm nare mǎ cumǎ ihkra pȳm.

Mǎ Pahpām mǎa Tawi te ampo ita ton xà ita kēanre, cwȳrjapê ri cute hȳrmǎ cumǎ harkwa to ihcakôc catê nō kujahêc. Mǎ hȳrmācator, ne cute Tawi mǎ hūjarēn xà ita to hūjarēn to:

— Pê krī nō ita kam, me hūmre me ajkrut, ne pyxit ita jakrāj, neihnō ita pê ihkīnte hamreare. Ne hakrājti ita mǎ ampeajkam pryti, ne cumǎ carà cahàcre hôhti hǎhtô. Ne cupê hamreare itapê cumǎ carà cahàcre hôhtikrare incire ita pyxit peaj, pê ajco to ajpa. Pê ajco ikrea kam mehkra cahê na apu ipa, ne curia gōr, ne mehcunea mǎ ihkīnti.

— Mǎ amcro nō na jūa rūm membrar catêjê kwȳ cator, hakrājtiata jūrkwā ri. Mǎ cute me cumǎ harte xà caxuw neecute hō pryti me, hō carà cahàc hôhti nōcuran nare, ne cute cupê hamreare ata pê hō carà cahàcreincire pyxit peaj ata curan na me mēn. Mǎ cute mehcuran, ne me to hār, mǎ cute mehkrēr — hajȳr.

Mǎ Tawi te hūjarēn xà ita par ne apu incryac to incryc, ne cute Pahpāmjakwa to ihcakôc catê ita mǎ harkwa to:

— Ampeaj kam wa ha amǎ awjarē, pom hūmre jakrājti te ita ton ita, ihtȳj cute mehcuran xà. Quê ha carà cahàcrepyxit jahpan xà na, to cwat ne ahna amgō — hajȳr.

Mǎ cute Tawi mǎ:

— He apêa ri jûm xûmre ata! Ne atea ca ita ton. Ita caxuw ca ha Pahpãm jarkwa nakampa he. Cute garên to hajÿr he: “Wa ite ato Ixaher catêjê jô pahhi, ne ite acurê xwÿn Xawrô xwÿ pê ato ipimxur ne apytâr. Ne ite amã gûrkwaton, ne amã me aprô jôr, ne hipêr amã ampo jôr.

“Ampo na mã nee ateamji mã ijarkwa itajê cupa nare, ne ikam mare mã apu ampo kên itajê to? Ca ate impjên curan na me mên, mã cute mehcuran, ca ate cupê hÿxi togàhkÿj. Cwÿrjapê ca ha ita caxuw gôtpê me akwÿ me, me apijapu to me apa.

“Ne ca nee ate amji mã ijarkwa par, ne amji mã hÿpa nare, incwÿrjapê quê ha me akra atajê kôt me awÿr ampo kên cato. Ne quê ha acunamã me amji kam hapac to me hanea, pomquê ate ton he. Ne quê ha ihtÿj jûmjê apê me aprô to ahkÿ. Ne quê ha ihtÿj mehcuea cute hajÿr xà ita na me hahkre pej” — hajÿr.

Mã Tawi te Pahpãm jarkwa to ihcakôc catê mã harkwa to:

— Ampeaj kam, wa ite Pahpãm cuna mã ikên xà kêanre ita ton — hajÿr.

Mã cumã:

— Pahpãm te ihtÿj akên ita to amã impej ne to tojnô, na ca ha nee atycnare. Ne ate cahãj kam akra mã ramã ihpÿm ita, quê ha ihtÿj apê ty. Ampo na? Quê ha Pahpãmcurê xwÿn, ate me kam mare mã akên xà ton atajahpan xà na, nee amji mã hÿpa nare — hajÿr.

Ne ma tẽ, hÿrkwa wÿr. Mã ahna ahtÿm nare mã Tawi kra ata xà ne ihtÿc.

15

*Pê Tawi kra pê Axarãw mã amji to pahhi prãm
2 Xamer 15.10; 18.1-17, 33*

Pê Tawi mã hapua na ihkra xũmre nõ ita, ne haprý Axarãw. Pê ihtýjhũm Tawi jaxà kam ajco amji to pahhi prãm. Ne cute caxuw krãhtare kwý me amji par, cute hũm cuna mã me ipijapu prãmte. Ne cute me ipijapukam ihtẽm. Mã ahkêt kam Tawi jõ krãhtare te Axarãw jõ krãhtare tohjê, ne me to winti mir ne me hipej. Mã ma pjê cunea kôt apu mehkwyçahkũm. Ne mehtyc atajê jirõa pê me hàhtõa ne ahkêt kam me ipictor.

Mã Axarãw te hũm jõ krãhtare kwý me amji cajpar. Ne me hũpate ma jũ kamihtẽm prãmte, hõ cawrõ to pĩ nõ catia ita krac rihàr. Mã Axarãw kĩ japjêhti ata te pĩ na hê, mã curiakam ajêt, mã ma hõ cawrõ ita tẽ. Mã Tawi jõ krãhtare nõ te hõmpun ne hõ pahhi Jõwape mã harèn.

Mã Jõwape cumã:

— Měr ampo na mã ate mehcuran hiahpuro nare? Ca ha ihcura na mã, wa ha ate ihcuran jahpan xà na amãihpore catia ne cugõ — hane.

Mã krãhtare cumã harkwa to:

— Wa ite pahhi pê Tawi par, mã ma apu jũm te ihkra curan na to ihcaca, nawa nee ite ihcuran nare — hane.

Mã Jõwape te wapo xwahhire to incrê ne incwýr, ne ma to tẽ. Ne por pĩ pa na Axarãw ajêt ata wýr cator, ne cute wapo to pøj ne to Axarãw na cuhkõnre kam to caxwýr. Mã krãhtare te tej ne Axarãw curan na, cute me Jõwape tehcajpar.

Mã Jôwape te kÿj cati pêa mã hõ hõhhiçakôr, cute to hõ krãhtare mã hãkjêr xà na, mã cute me ipijapu tohicu, ne me cuprôn. Ne cute me kreti catia kamAxarãw jĩ to me hũcapêr, nehipy me kên jakôt. Ne ma ikre wÿr me amji jaxàr.

Mã pahhi Tawi te ihkra curan na harên par, ne cama apu hapête amrã.

Ne pê caku jãhtôa kam Tawi Ixaher catêjê jõ pjê cunea to ihhimpej ne pea ihtyc. Ne pê ihcunea na catyt kam Tawi ajco Pahpãm kôt ipa. Ne hãn ne ajco ampokên to, ne amji jũ na ajco ihpeacre, ne ajco hĩcu, ne ajco Pahpãm mã ahnaamji jarẽ, ne nee hipêr ton nare. Ne ampeaj kam Tawi mã Pahpãm kĩn, ne hanea ne cumã ihkĩn. Na ri cutePahpãm na increr xà jãhtôa ne to increr, ne ahna ihhóc par. Ne cute ahna ihhóc par itajê kwÿ mã ita ri he.

PAHPÃM JARKWA CUPAHTI JÕ KÀHHÔC
Canela: PAHPÃM JARKWA CUPAHTI JÕ KÀHHÔC
(Portions)

copyright © 2012 Wycliffe Bible Translators, Inc.

Language: (Canela)

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 1 Oct 2024 from source files
dated 29 Jan 2022

09d4e460-c38b-52b7-81c1-8300bfeb466a